

Script of Morning Gojri News Bulletin 05 December 2024 at 1015Hrs

مارننگ گو جری نیوز بلیٹن مورخہ 05 دسمبر 2024

یوہ آکا شوانی جموں ہے محمد آصف لودھی تیں خبر سُنو۔

CM Omar Abdulllah

وزیر اعلیٰ عمر عبداللہ نے جاتے تہاڑے سول سیکریٹریٹ مانہہ بجلی محکمہ غا اعلیٰ عہدیداران غی اک میٹنگ بلا غے موجودہ ٹھنڈا موسم مانہہ بجلی سپلائی نانہہ یقینی بنان غے نال نال دوجا دوجا معاملن ور تفصیل نال گل بات کی ہے۔ میٹنگ غے دوران وزیر اعلیٰ نے بجلی کٹوتی بارے وقت مقرر کرن غی ضرورت ور زور دتو ہے۔ تانجے بجلی صارفین نانہہ پریشان نہ ہونو ہے۔ میٹنگ غے دوران جناب عبداللہ نے یوٹی بجٹ تے مرکزی فلاحی اسکیمیں غے تحت جاری بجلی ڈھانچاں غا پروجیکٹیں غی پیش رفت غو وی تفصیلی جائزولینو ہے۔

PM Modi

وزیر اعظم نریندر مودی نے بھارت تے خلیجی تعاون بارے کونسل یعنی جی سی سی بشار آپسی تعاون ور بھروسہ مندی ظاہر کرتاں واں کہیو ہے جے کویت غی صدارت مانہہ جی سی سی تے بھارت بشار تعاون نانہہ مزید متی طاقت لبے گی۔ واضع رہ جے اس سلسلہ مانہہ کویت غا خارجی معاملن بارے وزیر عبداللہ علی آلا یہا نے جاتے روز نوی دہلی مانہہ وزیر اعظم نریندر مودی غی رہائش گاہ ور اُن نال ملاقات کی ہے۔ ملاقات غے دوران دوہا لیڈراں نے بیوپار، توانائی، ٹیکنالوجی سمیت دوجا کاروبار نانہہ باندو دین ور تفصیل نال گل کی ہے۔ اس موقعہ ور بھارتی وزیر اعظم نے کویت مانہہ رہن آلا 10 لکھ بھارتی شہریاں غی دیکھ بھال کرن بارے کویت غی حکومت غو شکریو ادا کیو ہے۔ دوہا لیڈراں نے مغربی ایشیا غا حالات بارے گل بات کرتاں واں خطہ مانہہ امن تے خوشحالی نانہہ جلدی بحال کرن ور حمایت ظاہر کی ہے۔

Accident Kishtwar

کشتواڑ ضلع مانہہ پیش آیا اک سڑک حادثہ غے دوران 2 افراد ہلاک جد کہ 14 دوجا زخمی ہو گیا ہیں۔ اس سلسلہ مانہہ سرکاری ذریعہاں نے جانکاری دتی ہے جے گئی شام کشتواڑ ضلع غا دھنگ ڈور علاقہ مانہہ مسافراں نانہہ لے جان آلی اک گڈی سڑک وروں رُڑ غے ٹونگی کھائی مانہہ جا پئی جس دوران یوہ حادثو پیش آیا۔ واضع رہ جے سول لوکاں تے جموں کشمیر پولیس نے تاولاں ہی حادثہ آلی جگہ پُچ غے بچاؤ کارروائی تیز کر دتی تھی جس دوران 2 افراد موقعہ ور ہلاک ہو گیا تھا جد کہ دوجا زخمی لوکاں نانہہ علاج غی خاطر ضلع ہسپتال مانہہ پہرتی کرایو گیو ہے۔ اس حادثہ بارے مرکزی وزیر مملکت ڈاکٹر جتندر سنگھ نے کشتواڑ غا ڈپٹی کمشنر راجیش کمار شون نال ٹیلی فون ور گل بات کر غے پوچھ پال کی تے مزید تفصیلات غی اجوں اڑیک ہے۔

RNU Raising Day

آکاشوانی جموں غو علاقائی خبراں گو شعبو پلک یعنی 6 دسمبر نانہہ اپنو 54 ووں یوم تا سیس منار بیو ہے۔ اس یوم تا سیس غا موقعہ ور پلک سویرے ساڈھا 9 بجے اک خصوصی پروگرام غے دوران خبراں غا شعبہ غا سابق افسراں تے سابق نیو ریڈراں غی گل بات

تے انٹرویو نشر کیا جا ئیں گا۔ واضع رہ جے شام 7 بجے فر 15 منٹ غو اک ہور پروگرام نشر وے گو جس مانہ نیوز یونٹ غا کم کاج غے نال نال یوم تاسیس با رے جموں صوبہ غی منی پڑمنی شخصیات غی طرفوں مبارکبادی بارے سنیہا وی نشر کیا جائیں گا۔ یا د رہ جے اس موقعہ و ر گو جری تے ڈوگری زبانان مانہ بہترین خبر سنان تے ترجمو کرن آلاں سمیت نیوز ایڈیٹراں غی وی ہوصلہ افزائی کی جائے گی۔

Arrest OGW

جموں کشمیر غا ڈوڈہ ضلع مانہ دہشت گرداں نال کم کرن آلا اک شخص نانہ حراست مانہ لے غے عوامی حفاظتی ایکٹ یعنی پی ایس اے عائد کر دتو ہے۔ واضع رہ جے محمد عرفان نامی یوہ شخص با گواہ تحصیل گو بسنیک دسیو گیو ہے۔ جہیڑو جے ضلع مانہ دہشت گردی پھیلان غے متعلق بکھ بکھ کا روایاں مانہ ملوٹ پایو گیو ہے۔ اس سلسلہ مانہ ذریعہاں نے جانکاری دیتاں واں دسیو ہے جے ضلع مانہ امن وقانون نانہ دھیان مانہ رکھتاں واں اس شخص و ر پی ایس اے لایو گیو ہے تا نچے علاقہ مانہ بد امنی و ر قابو کھلیو جا سکے۔

Dy CM Kathua

نائب وزیر اعلیٰ سریندر کمار چودھری نے جاتے روز کٹھوعہ ضلع مانہ قائم بکھ بکھ ضلع اداراں غو دورو لا غے کم کاج غو معائنو کیو۔ دورہ غے دوران صنعتاں بارے محکمہ، آلودگی و ر قابو کھلن بارے بورڈ سمیت دوجا محکماں غا اعلیٰ عہدیدار وی اُن غے نال موجود تھا۔ بکھ بکھ ضلع یونٹاں غو معائنو کرتاں واں نائب وزیر اعلیٰ نے ہدایت کیں ہیں جے صنعت چلان بارے واضع کیا گیا قوانین نانہ پوری طرح نال دھیان مانہ رکھ غے کم کیو جائے۔ نالے صنعتاں مانہ ات غا مقامی نوجوانان نانہ روزگار فراہم کیو جائے۔ بعد مانہ سریندر کمار چودھری نے سڈکو صنعتی کمپلیکس کٹھوعہ غے نال نال اسسٹنٹ لیبر کمشنر کٹھوعہ غا دفتر غو وی اچانک معائنو کیو۔

Chief Secretary

چیف سیکریٹری اٹل ڈلو نے جاتے روز محکمہ مال غا عہدیداراں غی اک میٹنگ بلاغے جموں کشمیر مانہ زمین غا ریکارڈ نانہ ڈیجیٹل طریقہ نال تیار کرن غا کم کاج غو جائزو لیو۔ میٹنگ مانہ محکمہ مال بارے مالی کمشنر، محکمہ خزانہ غا پرنسپل سیکریٹری، صوبائی کمشنر جموں، محکمہ مال غا سیکریٹری سمیت سروے تے زمینی ریکارڈ بارے ڈائریکٹر وی موجو دتھا۔ میٹنگ غے دوران چیف سیکریٹری نے افسراں نانہ ہدایف کیں جے زمینی ریکارڈ غا ڈیجیٹل طریقہ نال تیار کرن بارے جائزہ غی خاطر ہر ایکن ضلع مانہ کمیٹی تشکیل دتی جائے۔ جناب ڈلو نے یاه وی ہدایت کی جے ریکارڈ مانہ شفافیت تے ایمانداری نال کم کیو جائے تانچے لوک زمیناں گا ریکارڈ غا اندراج و ر مطمئن ہو غے بھروسہ مندی ظاہر کرسکیں۔

DC Rajouri

راجوری غا ضلع ترقیاتی کمشنر ابھیشیک شرمانے جاتے روز ڈونگی بلاک غو دورو لا غے آئی ڈبلیو ایم پی غے تحت جاری ترقیاتی کماں گو جائزو لیو۔ جائزہ غے دوران ڈی سی موصوف نے پروجیکٹ غی خصوصیت تے اس غا نکال و ر زور دتو۔ تانچے

گرائیں لوکاں گو رہن سہن مانہہ سُدھار کیو جا سکے۔ دورہ غے دوران جناب شرما نے متعلقہ افسراں نانہہ ہدایت کیں ہیں جے دوجا ترقیاتی کماں نانہہ ذراعت غی مجموعی ترقی بارے پروگرام یعنی ایچ اے ڈی پی تے مہا تمہ گا ندھی قومی گرائیں روز گا ر گرائی ایکٹ غے تحت مکمل کیو جائے۔
